

京師廣慈庵識

中第一佳書宜迴溪漫花倫也夏李昆齋又識



近與漢軍鄭叔問先生論醫慨傷寒論文古義出因世
若無宋代善本可校本朝注釋數家支離竄易殆難平
業求其發明仲景心印者甚尠余頗然之嗣讀本書更
聚返澄陽寒而者之疑乃渙然冰釋古人云議記之家併
聚訟靡常韓祇所書余未見若朱氏者無一支言
刺洩愈簡易愈精體例謹嚴不特無繁訟熟習已也
反復讀之益人神智不少癸卯歲再閱一過記此孟的
識於多伽羅香館

續刻類證活人書序

傷寒之病日傳一經、盡而復七日之中治

之得當不盡劑而愈治違其法變證靡

常性命存亡在於呼吸處方之頃一命

之生死一家之安危甚者一脈之延輒系焉

所闕亦大笑哉蓋自古已然也漢長沙太

守仲聖憫之援伊尹湯液方著傷寒



北京中醫藥大學圖書館版權所有

論一書為治法之準繩藥病相當效如桴
鼓然詞古義深非好學深思之士沉潛力
索難窺其奧宋朱進士肱鑽研以載而
融會其方以讀之不易而疑似之難辯也
將以經一百一十三方分證編類設為百問益
以婦人傷寒雜方彌補其缺共成二十卷名
之曰南陽活人書蓋述而不作尊善與長

沙而不以自賢也從此讀傷寒論者如瞽
循導杖車認南針津逮後人無所止極
實為長沙之功臣原序謂當時印行者
凡五處錯悞頗多重為校刻則在宋時
已有六板流傳至今或有什襲以藏者然
而未見也

國朝刻書之盛為古來所未有獨於此書未

見單行善本豈僻陋所未知耶癸未秋
得明刻醫統中本模糊殘缺錯悞復
而坊間已難得矣此書若不續刻朱君類
集之功活人之志殆將湮沒繼絕衍輟後
人之責亟付本局官匠繕雕以囑趙君靜
涵任斯校對以精於醫而博學者也刻成
發坊冀廣流傳庶幾後之學者循委亮

端淵源得源極危殆之證而不至以藥誤
人也皆朱君之澤也

光緒十年仲秋總理江南機器製造總局古
吳潘露序



北京中醫藥大學圖書館版權所

增注類證活人書序

傷寒諸家方論不一獨伊尹仲景之書猶六經也其餘諸子百家時有一得要之不可爲法又況邪說妄意世業名家規利雖厚因果厯然特以伊尹湯液仲景經絡常人難曉士大夫又以藝成而下恥而不讀往往倉卒之際束手待盡卒歸之於命而已世人知讀此書者亦鮮縱欲讀之又不曉其義況又有好用涼藥者如附子硫黃則笑而不喜用雖隆冬使人飲冷服三黃圓之類有好用熱藥者如大黃芒硝則畏而不敢使雖盛暑勸人灸燂服金液丹之類非不知

罪福偏見曲說所趣者然也陽根於陰陰本於陽無陰則陽無以生無陽則陰無以化是故春時氣溫當將理以涼夏月盛熱當食以寒君子扶陰氣以養陽之時也世人以爲陰氣在內反抑以熱藥而成瘧痢脫血者多矣秋時氣涼當將息以溫冬時嚴寒當食以熱君子扶陽氣以養陰之時也世人以陽氣在內乃抑以涼藥而成吐痢腹痛者多矣伐本逆根豈知天地之剛柔陰陽之逆順求其不夭橫也難矣偶有病家曾留意方書稍別陰陽知其熱證則召某人以某人善醫陽病知其冷證則召某人以某人善醫陰

病往往隨手全活。若病家素不曉者，道聽泛請，委而聽之。近世士人如高若訥、林億、孫奇、龐安常，皆惓惓於此，未必章句之徒，不誚且駭也。僕因閒居，作爲此書，雖未能盡窺伊尹之萬一，庶使天下之大人無天伐老不哭，幼士大夫易曉而喜讀，漸浸積習，人人尊生。豈曰小補之哉？仲尼曰：吾少也賤，故多能鄙事。學者不以爲鄙，然後知余用意在此，而不在彼。大觀元年正月日，前進士朱肱序。

僕乙未秋以罪去國，明年就領宮祠，以歸過方城，見同年范內翰云：活人書詳矣，比百問十倍。然證

與方分爲數卷。倉卒難檢耳。及至濰陽。又見王先生。生活人書。京師。京都。湖南。福建。兩瀾。凡五處印行。惜其不曾校勘。錯誤頗多。遂取繕本。重爲參詳。改一百餘處。命工於杭州太隱坊鏤板。作中字印行。庶幾緩急。易以檢閱。然方術之士。能以此本游諸聚落。悉爲改證。使人讀誦。廣說流布。不爲俗醫妄投藥餌。其爲功德。獲福無量。政和八年季夏朔朝。奉卽提點洞霄宮朱肱重校證。

增注類證活人書序

武夷張 葢

余頃在三茅見無求子傷寒百問披而讀之不知無
求子何人也愛其書想其人非居幽而志廣形愁而
思遠者不能作也惠民憂國不見施設游戲藝文以
閱歲月者之所作乎。邈世匿跡抗心絕慮灌園荒丘
賣藥都市者之所作乎。顛倒五行推移八卦積功累
行以就丹竈者之所作乎。不然則窮理博物觸類多
能東方朔者耶。浩歌散髮採掇方技皇甫謐者耶。周
流人間衛生救物封君達者耶。前非古人後無作者

則所謂無求子者余不得而知也三茅三年挾冊抵掌未嘗停手所藉以全活者不知其幾人也惜其論證多而說脉少治男子詳而婦人略銖兩訛舛升沉不明標目混淆語言不通俗往往閭閻有不能曉者此余之所以夙夕歉然者也今秋遊武林邂逅致政朱奉議泛家入境相遇於西湖之叢林因論方士奉議公乃稱賈誼云古之人不在朝廷之上必居醫卜之中故嚴君平隱於卜韓伯休隱於醫然卜占吉凶醫有因果不精於醫寧隱於卜班固所謂有病不治得中醫蓋慎之也古人治傷寒有法治雜病有方葛

稚川作肘後孫真人作千金陶隱居作集驗元晏先生作甲乙率著方書其論傷寒活法者長沙太守一人而已華陀指張長沙傷寒論爲活人書昔人又以金匱玉函名之其重於世如此然其言雅奧非精於經絡不可曉會頃因投閒設爲對問補苴綴緝僅成卷軸因出以相示然後知昔之所見百問乃奉議公所作也因乞其繕本校其詳略而傷寒百問十得五六前日之所謂歉然者悉完且備書作於己巳成於戊子增爲二十卷釐爲七冊計九萬一千三百六十八字得此書者雖在崎嶇僻陋之邦道途倉卒之際

據病可以識證。因證可以得方。如執左契。易如反掌。遂使天下傷寒無橫夭之人。其爲饒益不可思議。昔樞密使高若訥作傷寒纂類。翰林學士沈括作別次傷寒直秘閣胡勉作傷寒類例。殿中丞孫兆作傷寒脉訣。蘄水道人龐安常作傷寒卒病論。雖互相發明。難於檢閱。比之此書。天地遼落。張長沙南陽人也。其言雖詳。其法難知。奉議公祖述其說。神而明之。以遺惠天下。後世余因揭其名。爲南陽活人書。云大觀五年正月日敘。

竊以神農嘗藥伊尹論方證順陰陽雖克求於民瘼
時無疫癘蓋有賴於神休瞻彼旻穹哀此黎庶伏念
臣浪遊東土空閱流光篋聞經國之謀端議濟人之
術冥冥長夜憐橫死之無辜斷斷窮年矧餘生之多
病自朝及夕考古驗今首尾幾二十一年前後僅九
萬餘字焦心皓首編筆青編原其微功實自潛祐屬
成書之將

上爰奏牘以先

天恭卽

蘭場肆陳

醺席冀

九清之降鑒祈萬宇於康寧仰獲
證明庶傳永久臣無任懇禱之至

進表

臣聞鍾山非矯幽人躡屩於深林衡岳雖遙志士獻
書於北闕蓋行藏之有數非狂狷所能知中謝伏念
臣出自蔀屋之微嘗奉

大廷之對昔爲冗吏今作閒人乃因三餘著成百問
上稽伊尹湯液之論下述長沙經絡之文詮次無差
搜羅殆盡從微至著蓋不可加亘古及今實未曾有



北京中醫藥大學圖書館版權所有